



Visus, tactus, gustus in te fallitur,
Sed auditu solo tuto creditur ;
Credo quidquid dixit Dei Filius,
Nil hoc Veritatis verbo verius.
Nil hoc verius.

In cruce latebat sola Deitas :
At hîc latet simul et humanitas :
Ambo tamen credens atque confitens,
Peto quod petivit latro pœnitens.
Latro pœnitens.

Plagas, sicut Thomas, non intueor,
Deum tamen meum te confiteor ;
Fac me tibi semper magis credere,
In te spem habere, te diligere.
Te diligere.

O memoriale mortis Domini,
Panis vivus, vitam præstans homini,
Præsta meæ menti de te vivere,
Et te illi semper dulce sapere.
Dulce sapere.

O fons puritatis, Jesu Domine,
Me immundum munda tuo sanguine,
Cujus una stilla saluum facere
Totum quit ad omni mundum scelere.
Saluum facere.

Jesu, quem velatum nunc aspicio,
Oro fiat illud quod tam sitio :
Ut te revelata cernens facie,
Visu sim beatus tuæ gloriæ.
Tuæ gloriæ.